



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Saxonia || Et || Metropolis || Alberti Crantzii || Historici
Doctiss. Sacrae || Theologiae & Iuris Canonici Doctoris ||
celeberrimi, ac Ecclesiae Ham-||burgensis quondam
Decani**

Krantz, Albert

Coloniae, 1574

Capvt IIII.

urn:nbn:de:hbz:466:1-11453

HVndingus Sifridi filius rem Saxonum administra-
bat, quo tempore Danis regnabat Roë, is qui Ro-
schildiam suo de nomine, claram quondam in Dania vr-
bem fundabat: cuius regis Germanus Helgo, maris im-
perium sortitus, victricem vbiq̄ classē cū circumtu-
lisset, per Albim fluiū ascendens, Saxoniam ipsam fer-
ro flammisq̄ vastabat. Hundingus Saxonum princeps,
inopinato hostis aduentu turbatus, tumultuarias vires
contraxit, quas Danis opponeret. Apud Stadium exerci-
tus conuenere: stabant parati in armis, & copiā pugnan-
di fecerant virique. Tum rex Daniae ferocior animo:
Quādo, inquit, in magnis exercitibus praecleara virtus sa-
pē non eminet, tecum ego Hundingē manus confero: spe-
ctent vtrinq̄ exercitus pugnantes duces suos, & illo-
rum se fortuna metiantur, vt victum se sciat exercitus,
cuius dux superatur. Nō erat decorum detrectare: nam
ignominia tum suprema habebatur, si euocatus recusa-
ret. Conuenere paribus armis in circum medio campo de-
signatum, acerbis odijs incurrunt, sed tum cessit Saxo-
num ductor: victoria Danorum erat. Vndē factum est,
vt Iutia decedere Saxones cogerentur. Reuersa est igitur
hoc tempore Chersonesus Cimbrica in Dania ditio-
nem: nec post eum diem Saxonibus legitur paruisse. Ar-
ma quidem Saxonum saepe illata sunt in prouinciam, sa-
pē vastata Iutia: Aliquandō prima pars eius, qui ducatus
est Slesuicensis, Saxonibus suberat, sed nūquam ex il-
lo die Saxonum iugum Iutia tota recepit. Rex Daniae
victor, receptae prouinciae gubernatores praefecit, qui ab
incurfionibus Saxonum illam terra mariq̄ tutarentur.
Magnum ea res Stadio vetustatis perhibet testimonium,
quandō nullius reliquae vrbis memoria celebratur ex illo
tempo-

tempore. Ptolemæus quidem multarum de suo tempore per Germaniam urbium nomina commemorat, quarum hodiè vel nulla extant vestigia, vel nomina sunt immutata. Stadio tum fuisse nomen quod nunc est, cum duorum regum insigni pugna locus illustraretur, hic locus testatur: Dorstadium tamen vocant oppidum priscum, vnde Stadio testantur esse originem. Huius autem Cimbrica Chersonesi iustior posthac mentio erit, cum ad ea tempora ventum fuerit, quibus Cimbri patria egressi, per Gallias se in Italiam contulerunt: inuestigandumque nobis erit, quæ tum fuerit gens Cimbrorum, quando constat hac tempestate victos Saxones prouincia discessisse.

CAPVT V.

Gelderus Saxonum princeps erat eo tempore, cum inter Hotherum Suediæ regem, & Balderum inter eius regni proceres nobilissimum (cui admiratione virtutis, aut prestigij magicarum rerum delusa vetustas, opinionem iniecerat diuinitatis, quod dijs genitus, propicios haberet sui generis authores) bellum esset ob nuptias puellæ, quam vterque coniugem deposcebat: alium regia dignitas in spem adduxit, vt indignum duceret, si imparis fortunæ qualiscunque illi præponeretur. Alium opinata diuinitas animo extulit: sed exitus docuit ementitam famam, fuisseq; mortalem quem diuum ferebant. Res in apertum bellum processit: congerunt arma magnis conatibus. Balderus, qui suis viribus par esse regi non poterat, ad externa respexit auxilia: Gelderum Saxonie principem in societatem belli etsi longinqui deuocabat: nam Saxones nauigationibus assueti, etsi Iutiã modò non tenerent, naualẽ tamen operã non intermisere. Conuenere nauales exercitus, & pugnã atrocem